

গণপ্রজাতন্ত্রী বাংলাদেশ সরকার  
কারিগরি ও মাদ্রাসা শিক্ষা বিভাগ  
শিক্ষা মন্ত্রণালয়  
শাখা-১ (প্রশাসন ও অর্থ)  
[www.tmed.gov.bd](http://www.tmed.gov.bd)

নং-৫৭.০০.০০০০.০৪০.৯৯.০০৩.২০- (৩৯৯)

তারিখঃ ২৭ জ্যৈষ্ঠ, ১৪২৭ বঙ্গাব্দ  
১০ জুন, ২০২০ খ্রিষ্টাব্দ

**কারিগরি ও মাদ্রাসা শিক্ষা বিভাগের অধীন কারিগরি শিক্ষা প্রতিষ্ঠানে উপবৃত্তি বিতরণ ও শিক্ষা উপকরণ ক্রয় সহায়তা নীতিমালাঃ**

কারিগরি ও মাদ্রাসা শিক্ষা বিভাগ, শিক্ষা মন্ত্রণালয়-এর অধীন কারিগরি শিক্ষা প্রতিষ্ঠানের শিক্ষার্থীদের উপবৃত্তি বিতরণ ও শিক্ষা উপকরণ ক্রয় সহায়তা প্রদান কার্যক্রম স্বচ্ছ ও সুষ্ঠুভাবে সম্পন্ন করার লক্ষ্যে নিম্নরূপ নীতিমালা প্রণয়ন করা হলো।

০২। **শিরোনাম:** এ নীতিমালা “কারিগরি ও মাদ্রাসা শিক্ষা বিভাগের অধীন কারিগরি শিক্ষা প্রতিষ্ঠানের শিক্ষার্থীদের উপবৃত্তি বিতরণ ও শিক্ষা উপকরণ ক্রয় সহায়তা নীতিমালা-২০২০” নামে অভিহিত হবে। এ নীতিমালা কারিগরি শিক্ষা প্রতিষ্ঠানের শিক্ষার্থীদের ক্ষেত্রে অনুসৃত হবে।

**০৩। উপবৃত্তি বিতরণ ও বই ক্রয়ে সহায়তা:**

- উচ্চ মাধ্যমিক পর্যায়ের চার বছর মেয়াদী ডিপ্লোমা ও এইচএসসি (ভোকেশনাল) কোর্স এর জন্য মাসিক ৫০০/- টাকা হারে উপবৃত্তি প্রদান করা হবে।
- মাধ্যমিক পর্যায়ের এসএসসি (ভোকেশনাল) ও দাখিল (ভোকেশনাল) কোর্সের জন্য মাসিক ৩০০/- টাকা হারে উপবৃত্তি প্রদান করা হবে।
- এইচএসসি (ভোকেশনাল) কোর্সের শিক্ষার্থীদের বই ক্রয়ে সহায়তা বাবদ বার্ষিক ১০০০/- টাকা এবং চার বছর মেয়াদী ডিপ্লোমা কোর্সের শিক্ষার্থীদের প্রতি সেমিস্টারে ১০০০/- টাকা প্রদান করা হবে। তবে এসএসসি (ভোকেশনাল) ও দাখিল (ভোকেশনাল) কোর্সের শিক্ষার্থীদের সরকার কর্তৃক বিনামূল্যে পাঠ্যবই সরবরাহ করার কারণে তারা বই ক্রয়ে সহায়তা প্রাপ্ত হবে না।
- ভর্তিকৃত সকল ছাত্রী ও প্রতিবন্ধী শিক্ষার্থীকে উপবৃত্তি প্রদান করা হবে।
- ভর্তিকৃত ছাত্রদের মধ্যে ৭০% ছাত্রকে (নির্দিষ্ট মানদণ্ডে নির্বাচিত) উপবৃত্তি প্রদান করা হবে।
- প্রতি ৬ মাস পর পর উপবৃত্তির টাকা বন্টন করা হবে।
- এই নীতিমালার আওতায় উপবৃত্তি গ্রহণকারী শিক্ষার্থী অন্য কোন উপবৃত্তি প্রাপ্ত হবে না।

**০৪। শিক্ষা প্রতিষ্ঠান নির্বাচন:**

- কারিগরি ও বৃত্তিমূলক শিক্ষা ও প্রশিক্ষণ প্রদানকারী প্রতিষ্ঠান।
- কারিগরি ও মাদ্রাসা শিক্ষা বিভাগের অধীনস্থ চার বছর মেয়াদী ডিপ্লোমা কোর্স পরিচালনাকারী সকল সরকারি প্রতিষ্ঠান।
- চার বছর মেয়াদী ডিপ্লোমা কোর্স পরিচালনাকারী কারিগরি শিক্ষা বোর্ড কর্তৃক অনুমোদিত বেসরকারি প্রতিষ্ঠান।
- কারিগরি ও মাদ্রাসা শিক্ষা বিভাগের অধীনস্থ এসএসসি (ভোকেশনাল) ও এইচএসসি (ভোকেশনাল) কোর্স পরিচালনাকারী সকল সরকারি প্রতিষ্ঠান।
- এসএসসি (ভোকেশনাল) ও দাখিল (ভোকেশনাল) কোর্স পরিচালনাকারী কারিগরি শিক্ষা বোর্ড কর্তৃক অনুমোদিত বেসরকারি প্রতিষ্ঠান।

**০৫। উপবৃত্তি বিতরণ ও বই ক্রয়ে সহায়তা প্রাপ্তির সাধারণ শর্তাবলীঃ**

- নির্বাচিত কারিগরি শিক্ষা প্রতিষ্ঠানের নিয়মিত ছাত্রছাত্রী হতে হবে।
- শিক্ষাবর্ষ/সেমিস্টারে অনুষ্ঠিত মোট ক্লাসের ৭৫% ক্লাসে উপস্থিত থাকতে হবে।
- অর্ধ-বার্ষিক/বার্ষিক/সেমিস্টার ফাইনাল পরীক্ষায় উত্তীর্ণ হতে হবে।
- ছাত্র/ছাত্রীদের অবিবাহিত হতে হবে;

০৬। ছাত্র (৭০%) নির্বাচনের পদ্ধতিঃ

- ৩ নং ক্রমিকে বর্ণিত সাধারণ শর্তাবলী পূরণকারী ভর্তিকৃত ছাত্রদের পরীক্ষার ফলাফল এবং ক্লাসে উপস্থিতির হার এর ভিত্তিতে সংশ্লিষ্ট প্রতিষ্ঠানের ছাত্র নির্বাচন কমিটি ৭০% ছাত্র নির্বাচন করবে।
- ভর্তিকৃত সকল ছাত্রী ও প্রতিবন্ধী ছাত্র উপবৃত্তি প্রাপ্ত হবে বিধায় তাদের বাদ দিয়ে অবশিষ্ট ছাত্রদের মধ্য হতে ৭০% ছাত্র নির্বাচন করা হবে।
- ছাত্র নির্বাচনে দরিদ্র ও সুবিধাবঞ্চিত এবং ক্ষুদ্র নৃগোষ্ঠী শিক্ষার্থীদের অগ্রাধিকার প্রদান করা হবে।

০৭। ছাত্রছাত্রী নির্বাচন কমিটিঃ ছাত্র/ছাত্রী নির্বাচনের জন্য নির্বাচিত সরকারি ও বেসরকারি প্রতিষ্ঠানের জন্য নিম্নরূপ কমিটি গঠন করা হবে।

বেসরকারি প্রতিষ্ঠানঃ


ক্রমিক	কমিটির সদস্যবৃন্দ	পদবি
১	গভর্নিং বডির চেয়ারম্যান	চেয়ারম্যান
২	নির্বাচিত শিক্ষক প্রতিনিধি	সদস্য
৩	অভিভাবক প্রতিনিধি	সদস্য
৪	প্রতিষ্ঠান প্রধান	সদস্য সচিব

সরকারি প্রতিষ্ঠানঃ

ক্রমিক	কমিটির সদস্যবৃন্দ	পদবি
১	অধ্যক্ষ	চেয়ারম্যান
২	বিভাগীয় প্রধান(স্ব-স্ব বিভাগের জন্য)	সদস্য
৩	একাডেমিক ইনচার্জ	সদস্য সচিব

০৮। উপবৃত্তি প্রদানের পদ্ধতিঃ

- নির্বাচিত কারিগরি শিক্ষা প্রতিষ্ঠানের উপবৃত্তি প্রাপ্তব্য ছাত্র-ছাত্রীদের তথ্য প্রতিষ্ঠান হতে সংগ্রহ করে ডাটাবেজে অন্তর্ভুক্ত করা।
- প্রতিষ্ঠান হতে প্রাপ্ত তথ্য যাচাই-বাছাই করে উপবৃত্তি প্রাপ্তব্য ছাত্র-ছাত্রীর তালিকা চূড়ান্ত করা।
- ডিজিটাল পেমেন্ট সার্ভিস প্রদানকারী প্রতিষ্ঠানের মাধ্যমে উপবৃত্তি ও বই ক্রয়ের সহায়তার অর্থ প্রদানের জন্য উপবৃত্তি প্রাপ্ত ছাত্র-ছাত্রীদের পিতা-মাতা/অভিভাবকের নামে মোবাইল/ব্যাংক একাউন্ট খোলা।
- ছাত্র-ছাত্রীদের পিতা-মাতা/অভিভাবকের নামে মোবাইল/ব্যাংক একাউন্টে উপবৃত্তি ও বই ক্রয়ের সহায়তার অর্থ প্রদান করা এবং সংশ্লিষ্ট ছাত্র-ছাত্রীদেরকে এসএমএসের মাধ্যমে জানানো।
- কারিগরি শিক্ষা অধিদপ্তরায়ীন ০৮টি আঞ্চলিক পরিচালক অফিস সমূহের মাধ্যমে ডাটা সংগ্রহ কার্যক্রম পর্যবেক্ষণ ও মূল্যায়ন করা হবে।

  
(মুনশী শাহাবুদ্দীন আহমেদ)  
সচিব

কারিগরি ও মাদ্রাসা শিক্ষা বিভাগ  
শিক্ষা মন্ত্রণালয়  
পরিবহন পুল ভবন, ঢাকা।

নং-৫৭.০০.০০০০.০৪০.৯৯.০০৩.২০- (৩৯৯)


তারিখঃ ২৭ জ্যৈষ্ঠ, ১৪২৭ বঙ্গাব্দ  
১০ জুন, ২০২০ খ্রিষ্টাব্দ

অনুলিপি (সদয় অবগতি ও প্রয়োজনীয় কার্যার্থে প্রেরণ করা হলো):

১. অতিরিক্ত সচিব (প্রশাসন ও উন্নয়ন/মাদ্রাসা/কারিগরি/উন্নয়ন), কারিগরি ও মাদ্রাসা শিক্ষা বিভাগ, শিক্ষা মন্ত্রণালয়, ঢাকা।
২. মহাপরিচালক, কারিগরি শিক্ষা অধিদপ্তর, এফ-৪/বি, আগারগাঁও প্রশাসনিক এলাকা, ঢাকা।

-০২-

৩. মহাপরিচালক, মাদ্রাসা শিক্ষা অধিদপ্তর, রেডক্রিসেন্ট বোরাক টাওয়ার, ৩৭/৩/এ, ইফ্রাটন গার্ডেন রোড, ঢাকা।
৪. যুগ্মসচিব (প্রশাসন ও অর্থ/মাদ্রাসা/কারিগরি), কারিগরি ও মাদ্রাসা শিক্ষা বিভাগ, শিক্ষা মন্ত্রণালয়, ঢাকা।
৫. প্রধান প্রকৌশলী, শিক্ষা প্রকৌশল অধিদপ্তর, শিক্ষা ভাবন, ঢাকা।
৬. জেলা প্রশাসক, ..... (সকল)।
৭. সহকারী কমিশনার (শিক্ষা), .....(সকল)।
৮. উপ-প্রধান, পরিকল্পনা উইং, কারিগরি ও মাদ্রাসা শিক্ষা বিভাগ, শিক্ষা মন্ত্রণালয়, ঢাকা।
৯. প্রধান হিসাবরক্ষণ কর্মকর্তা, শিক্ষা মন্ত্রণালয়, ৪৫ পুরানা পল্টন, ঢাকা।
১০. সিস্টেম এনালিস্ট, কারিগরি ও মাদ্রাসা শিক্ষা বিভাগ, শিক্ষা মন্ত্রণালয়, ঢাকা (উপরিউক্ত নির্দেশনাটি মন্ত্রণালয়ের ওয়েব সাইটে প্রকাশের পদক্ষেপ গ্রহণ করবেন)।
১১. জেলা শিক্ষা অফিসার .....(সকল)।
১২. হিসাবরক্ষণ কর্মকর্তা, কারিগরি ও মাদ্রাসা শিক্ষা বিভাগ, শিক্ষা মন্ত্রণালয়, ঢাকা।
১৩. অফিস কপি।



(মীর জাহিদ হাসান)

উপসচিব (প্রশাসন ও অর্থ)

☎: ৪১০৫০১৩০